

«ՎԱՆԱԶՈՐԻ Հ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ»

ՀԻՄՆԱԴՐԱՄ

Հավելված

«Վանաձորի Հ.Թումանյանի անվան  
պետական համալսարան» հիմնադրամի  
ռեկտորի 09.01.2023թ. 20 Ն/Մ հրամանի



**ՎԱՆԱԶՈՐԻ Հ.ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆՈՒՄ  
ԴՊՐՈՑԱԿԱՆՆԵՐԻ ՕԼԻՄՊԻԱԴԱՆՆԵՐԻ ԱՆՑԿԱՑՄԱՆ  
ԿԱՆՈՆԱԿԱՐԳ**

Ընդունված է ՎՊՀ-ի գիտական խորհրդի կողմից

Արձանագրություն թիվ 9, 28.12.2017թ.

Փոփոխվել է՝

Արձանագրություն թիվ 2, 27.02.2020 թ.

Առ 11.03.2020թ. փոփոխություններով

Արձանագրություն թիվ 7, 27.01.2022թ.

Առ 02.02.2022թ. փոփոխություններով

Արձանագրություն թիվ 7, 29.12.2022թ.

Առ 09.01.2023թ. փոփոխություններով

Վանաձոր  
2017թ.

## I. ԸՆԴՀԱՆՈՒՐ ԴՐՈՒՅԹՆԵՐ

1. «Վանաձորի Հ. Թումանյանի անվան պետական համալսարան» հիմնադրամում (այսուհետ՝ Համալսարան) դպրոցականների օլիմպիադաների անցկացման կանոնակարգը (այսուհետ՝ Կանոնակարգ) սահմանում է դպրոցականների օլիմպիադաների (այսուհետ՝ օլիմպիադա կամ օլիմպիադաներ) անցկացման նպատակները և խնդիրները, կազմակերպչական-մեթոդական ապահովումը, անցկացման և ֆինանսավորման կարգը, դպրոցականների մասնակցությունը և հաղթողներին ու մրցանակակիրներին որոշելու կարգը:

## II. ՕԼԻՄՊԻԱԴԱՆԵՐԻ ԱՆՑԿԱՑՄԱՆ ՀԻՄՆԱԿԱՆ ՆՊԱՏԱԿՆԵՐԸ ԵՎ ԽՐԴԻՐՆԵՐԸ

2. Օլիմպիադաների անցկացման հիմնական նպատակներն են.
  - նպաստել տաղանդավոր, շնորհալի և ստեղծագործական կարողություններով օժտված աշակերտների հայտնաբերմանը և նրանց մասնագիտական կողմնորոշմանը,
  - խթանել աշակերտների ստեղծագործական աշխատանքի, վերլուծական ու քննադատական մտածողության ձևավորումը:
3. Օլիմպիադաների անցկացման հիմնական խնդիրներն են.
  - զարգացնել աշակերտների հետաքրքրությունը հանրակրթական առարկաների նկատմամբ, նպաստել հիմնավոր գիտելիքների ձեռքբերմանը,
  - բացահայտել և խթանել հետաքրքրությունը գիտահետազոտական գործունեության նկատմամբ

*(3-րդ կետը փոփ. է 09.01.2023թ. Հրաման՝ թիվ 20 Ն/Մ)*

## III. ՕԼԻՄՊԻԱԴԱՆԻ ԱՆՑԿԱՑՄԱՆ ՄԵԹՈԴԱԿԱՆ ԱՊԱՀՈՎՈՒՄԸ

4. Համալսարանում կազմակերպվող օլիմպիադաներին կարող են մասնակցել ավագ դպրոցների ու վարժարանների 10-12-րդ դասարանների սովորողները:
5. Օլիմպիադաներ կարող են անցկացվել նաև արտագնա:
6. Օլիմպիադան անցկացվում է հանրակրթական առարկաներից:
7. Համալսարանի օլիմպիադան անցկացվում է օլիմպիադաների արարկայական հանձնաժողովների կողմից հանրակրթական ծրագրերի հիման վրա մշակված առաջադրանքներով (ընդունելության քննությունների շտեմարանային առաջադրանքների կրկնությունը բացառելով):



(7-րդ կետը փոփ. է 09.01.2023թ. Հրաման՝ թիվ 20 Ն/Մ)

8. Գնահատումը կատարվում է 20-միավորանոց սանդղակով՝ ըստ անհրաժեշտության պահպանելով տասնորդական միավորներով գնահատելու կարգը:
9. Առաջադրանքների կատարման համար սահմանված ժամանակը 150 րոպե է:

#### IV. ՕԼԻՄՊԻԱԴԱՅԻ ՖԻՆԱՆՍԱԿԱՆ ԱՊԱՀՈՎՈՒՄԸ

10. Օլիմպիադայի անցկացումը ֆինանսավորվում է Համալսարանի բյուջեից: Տրամադրվող միջոցները նախատեսված են անհրաժեշտ նյութերի ձեռքբերման և հաղթողների պարգևատրման համար:

#### V. ՕԼԻՄՊԻԱԴԱՅԻ ԸՆԹԱՑՔԻ ԿԱԶՄԱԿԵՐՊՈՒՄԸ

11. Դպրոցականների առարկայական օլիմպիադան անցկացվում է մեկ փուլով, մարտ-ապրիլ ամիսներին:
12. Համալսարանը տեղեկատվական նամակ է ուղարկում դպրոցների տնօրեններին օլիմպիադայի անցկացման օրվանից առնվազն մեկ ամիս առաջ:
13. Աշակերտների մասնակցության հայտերը ընդունվում են մինչև տեղեկատվական նամակում նշված հայտագրման նախավերջին օրը (տե՛ս հավելված):
14. Դպրոցներից ստացված հայտերի հիման վրա կազմվում են աշակերտների ցուցակները՝ ըստ առարկաների և դասարանների:
15. Օլիմպիադայի մասնակիցները գրանցվելու համար ներկայանում են Համալսարան օլիմպիադայի մեկնարկից կես ժամ առաջ:
16. Օլիմպիադայի առաջադրանքները ստուգվում են օլիմպիադան ավարտվելուց հետո՝ երկու օրվա ընթացքում:
17. Օլիմպիադայի արդյունքները հայտարարվում են օլիմպիադայի ավարտից հետո՝ մեկ շաբաթվա ընթացքում և տեղադրվում են Համալսարանի կայքում:
18. Օլիմպիադայի մասնակիցների աշխատանքները պահպանվում են Համալսարանի գիտահետազոտական աշխատանքների, նորարարությունների և համագործակցության բաժնում՝ 5 տարի ժամանակով, որից հետո ակտավորվում են և ոչնչացվում:

#### VI. ՀԱՂԹՈՂՆԵՐԻ ՈՐՈՇՄԱՆ ԿԱՐԳԸ

19. Օլիմպիադայի հաղթողներ են ճանաչվում այն մասնակիցները, որոնք հավաքել են  
19.5-20 միավոր՝ 1-ին տեղ,



- 18.5-ից մինչև 19.5 միավոր՝ 2-րդ տեղ,
- 17.5- ից մինչև 18.5 միավոր՝ 3-րդ տեղ,
- 17-ից մինչև 17.5՝ շնորհակալագիր:

*(19-րդ կետը փոփ. է 09.01.2023թ. Հրաման՝ թիվ 20 Ն/Մ)*

20. Օլիմպիադայի հաղթողներին հանձնվում են առաջին, երկրորդ, երրորդ կարգի դիպլոմներ:

*21. (21-րդ կետը հանվել է 09.01.2023թ. Հրաման՝ թիվ 20 Ն/Մ)*

*22. (22-րդ կետը հանվել է 09.01.2023թ. Հրաման՝ թիվ 20 Ն/Մ)*

*23. (23-րդ կետը հանվել է 09.01.2023թ. Հրաման՝ թիվ 20 Ն/Մ)*

*24. (24-րդ կետը հանվել է 09.01.2023թ. Հրաման՝ թիվ 20 Ն/Մ)*

25. Շնորհակալագրեր են տրվում այն մասնակիցներին, որոնք տվյալ առարկայից հավաքել են ոչ մրցանակային, բայց ամենաբարձր միավորները (տվյալ առարկայից մրցանակակիրներ չունենալու դեպքում):

*(25-րդ կետը փոփ. է 09.01.2023թ. Հրաման՝ թիվ 20 Ն/Մ)*

26. Օլիմպիադայի ընդհանուր ղեկավարումը իրականացվում է Համալսարանի գիտահետազոտական աշխատանքների, նորարարությունների և համագործակցության բաժնի կողմից:

## VII. ՕԼԻՄՊԻԱԴԱՅԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ԳՈՐԾԸՆԹԱՑԸ

*(VII բաժնի վերնագիրը փոփ. է 09.01.2023թ. Հրաման՝ թիվ 20 Ն/Մ)*

27. Օլիմպիադայի անցկացման օրվանից առնվազն 30 օր առաջ Համալսարանի գիտահետազոտական աշխատանքների, նորարարությունների և համագործակցության բաժնի ղեկավարի կամ գիտական աշխատանքների գծով պրոռեկտորի ստորագրությամբ համապատասխան ամբիոններին ուղարկվում է տեղեկատվական գրություն՝ օլիմպիադայի անցկացման մասին:

*(27-րդ կետը փոփ. է 09.01.2023թ. Հրաման՝ թիվ 20 Ն/Մ)*

28. Օլիմպիադայի կազմակերպական և մեթոդական ապահովման նպատակով համապատասխան ամբիոններում մեկ շաբաթվա ընթացքում ձևավորվում են առարկայական հանձնաժողովներ՝ ներկայացվելով ռեկտորի հաստատմանը:

Առարկայական հանձնաժողովի գործունեությունը իրականացվում է համաձայն առյուծ Կանոնակարգի:

*(28-րդ կետը փոփ. է 09.01.2023թ. Հրաման՝ թիվ 20 Ն/Մ)*



29. Առարկայական հանձնաժողովը կազմում է առաջադրանքների փաթեթը, վերահսկում է օլիմպիադայի ընթացքը, գնահատում առաջադրանքների կատարումը, լուծում օլիմպիադայի ընթացքում առաջացող խնդիրները:
30. Առաջացած խնդիրների լուծման համար արդյունքների հրապարակումից հետո՝ 24 ժամվա ընթացքում, մասնակիցը կարող է դիմել գիտահետազոտական աշխատանքների, նորարարությունների և համագործակցության բաժին և պարզաբանումներ ստանալ համապատասխան առարկայական հանձնաժողովի նախագահի կողմից:  
*(30-րդ կետը փոփ. է 09.01.2023թ. Հրաման՝ թիվ 20 Ն/Մ)*
31. Յուրաքանչյուր առարկայից ամբիոնը տրամադրում է առաջադրանքների փաթեթ՝ առնվազն երկու տարբերակով յուրաքանչյուր դասարանի համար:  
*(31-րդ կետը փոփ. է 09.01.2023թ. Հրաման՝ թիվ 20 Ն/Մ)*
32. Ամբիոններն օլիմպիադայի անցկացման օրվանից 10 օր առաջ Համալսարանի գիտահետազոտական աշխատանքների, նորարարությունների և համագործակցության բաժին ներկայացնում են առաջադրանքների տարբերակները, պատասխանների ձևաթղթերը, ինչպես նաև դրանց էլեկտրոնային տարբերակները:
33. Առաջադրանքներն անհամապատասխան ձևով կազմելու, ներկայացնելու և ներկայացման ժամկետները խախտելու դեպքում տվյալ առարկայից օլիմպիադա չի անցկացվում:

*Հավելված*

***Առարկայական օլիմպիադայի մասնակիցների հայտերի լրացման աղյուսակ***

	Ազգանուն, անուն, հայրանուն	դպրոց	դասարան	առարկա	հեռախոսահամար
1					
2					
3					

